

武英殿聚珍版丛书

天

地

人

物

事

理

法

道

文恭集卷二

宋

胡

宿

撰

五言律詩

早春

燠沐陽和盛蒼簣老色濃大明消積雪青靄遍諸峰遠
浪浮蘋鯉驚雷起蟄龍去年南去鴈薊北又相逢

津橋晚望

徙倚津橋上蒼涼樹幄中江雲數峯黑山日年規紅
葉深依水蘭苕迴得風雩壇春服就歸思羨沂童

井桐

一水清無底雙桐碧有情銀牀翻晝影玉虎墮秋聲露
葉游絲斷風枝宿鳥驚隔簾人不寐又送月西傾

春晚郊野

岸幘坐前楹天圍極望青月華開嶺霧風影碎池星重
霧驚棲鶴幽叢帶暗螢塵機心久息寧待據梧暝

舟次江口

香吹生蘭渚飛霜下荻州月波清浸夜天幕冷垂秋遠
嶼迎潮沒寒烟護水浮櫂歌來澤畔知是採菱舟

賦江臯

目睇蘭臯上春波泛早暉
畫船人競渡繡羽雉交飛
島樹殘潮落汀花宿霧稀
短亭迷酒市官柳綠依依

西郊二首

高樓十二曲倚遍到斜暉
天幕清無翳溪雲凍不飛
斷岡殘燒盡遠樹宿禽歸
久憶蓮華社鐘聲隔翠微
遠籟生寒野平蕪弄夕陽
天寒空鳥道水落見魚梁
島樹風仍蕩汀葭日映黃
津樓慵極目杳杳白雲鄉

慶雲寺檜

寶坊金布地嘉木此含榮吳帝留青蓋湘神駐翠旌月
移香砌冷風入夜琴清若比東陽樹婆娑意未平

送臧寺丞赴建昌

新擢京司秩初旌幕府賢少年裁美錦畫日撫鳴絃山
好當衙際雲間至榻前庭中無一事時問岳僧禪

送君爲從事東歸

秋半飭歸艎輕橈入水鄉吳歌聞子夜陶菊見重陽月
浦鯢收浪霜空鳥拂檣南冠歸未得潘鬢莫蒼浪

送孫從事

二十一仙科同時升大羅軒翔幾人去淪謫獨君何淮
桂牽吟數湘蘭寄恨多且欣彈頰弁榮路未蹉跎

送王從事赴漳州

再奉天官集初登郡將筵檄材磨盾妙賓履躡珠賢舊
洞毛生竹新池水映蓮幕中多暇日曳彩戲親前

禁直晨興呈承旨侍郎

內殿已攢點

禁中漏盡謂之攢點

攬衣朝未央月低銜禁樹雲薄

護朝霜欲放魚文鏤先含雞舌香大昕鵷與鷺奏事向

明光

館中候馬

紫陌歸鞦後端門午鼓餘
銅池銜落景鐵槩掩殘書
水遠溝聲細花閒壁影疎
去騶呼已遠自笑守應廬
案應廬二字未詳所本宿又有上小謝學士啟云更直應廬當是指秘閣直舍而言

近郊

信馬斗城外芳郊秋物多
丹楓驚歲晏華黍喜時和
野老醉相話牧童閒白歌
牛羊稍覺晚一下層坡

沙鳥

一啄樊籠外蕭然烟水鄉
折蘆翻夕夢急雨亂秋行
南

澗漁波淺西風菰米香世無摩詰手誰與入清防

歲除

守歲薰爐永迎年煦律回仙人收臘去木帝送春來桂
伴陰蟾隱梅衝艷雪開平明喧壽譙柏葉奉懽杯

鸚鵡杯

介族生螭蚌杯形肖隴禽曾經良匠手見愛主人心置
在金樽側來從珠水潯

陸機薦戴若思曰明珠大貝生于江鬱之潯

願爲仁

者壽再拜莫辭深

上苑

漢籟春來早
光風近太清
花深迷玉漏
霧遠失金莖
夾道青松密
周阿碧樹生
回瞻葱鬱氣
遙覆九重城

山中

乘秋尋遠壑
偶到幽人家
濁醪釀秫米
香飯炊胡麻
微徑捫蘿葛
高峯弄雲霞
餐和殆忘返
落景半規斜

東溪早步

宿雨澄紛幕
高霞冠遠岑
青蓮護水色
翠竹結村陰
雪浪魚跳藻
風簫鳥嘯林
峭帆天末起
撩動五湖心

水館

略約橫雲島欄干瞰玉淵雨汀翹睡鷺風樹咽嘶蟬綠
髮莓苔地紅衣菡萏天夜涼三弄笛月在釣魚船

送徐晉卿東歸

夜來龍具冷有客厭長安去國朝衣綃還家楚葉丹雪
情欺酒薄月思拂琴寒只待東風起林鶯振美翰

送旌德田宰

錦邑罷鳴琴歸塗指上林柳鞭饒醉折山館勝遊吟清
譽時苗犢離棕望帝禽明庭趨覲日優績簡宸襟

招公儀小飲

官舍隱非隱仕途才不才
棟閒秋燕去籬靜晚花開
卓甕何妨臥莊軒或自來
求羊疎我甚三徑有青苔

朱鳥航

浮航二十四一一跨淮中
此地名朱鳥當年踏彩虹
香塵迷舊路寒水蕩遙空
日暮驚飛蓋翩翩下渚鴻

余山人居

一室閉春林蕭然物外心
碁聲敲月重屐齒印苔深
竹閣茶烟細山園鍛樹陰
會當逃世網來此締朋簪

和人山居

翠柏蔭山莊巖局四序涼歌攀牛角遠嘯引鳳音長夕
膳烹葵熟春杯切桂香列侯生計在千戶橘含霜

山居

松韻笙竽徑雲容水墨天人行春色裏鶯語落花邊脩
竹三間屋清泉二頃田了無官府事雞犬莫登仙

經朱氏郊居

東岡接釣磯有客偃郊扉繞舍喧流水當牕識翠微溪
田香稌熟霜樹晚桃稀半日揮塵袂停車不記歸

送外表王植赴官嶺外

五嶺知何許離懷豈易言傳情無去鴈驚夢有啼猿溪

思吳萼老

別墅在梁溪

林香越槿繁渠渠持美酒計日望歸

軒

銀臺退朝

官事良爲少人生初得閒長吟聊擁鼻薄酒且酡顏春
物行將晏年芳尚可攀此心同木鴈材與不材間

桃葉渡

悵望情人曲空留此渡名一條衣帶水千古石頭城艷
歇雙桃色歌沈雨獎聲不堪懷古意山外夕陽明

春寒

三楚多寒地憑山復大川
龍鱗橫雪隰羊角起風天
酒價高平日花期晚去年
白門無限柳疎瘦未成眠

蓬萊詞

瀛閩盛佳招排雲下赤霄
水犀梳插鬢火玉佩垂腰
鳬影朝青鳥鸞音咽紫簫
鰲宮無夜色豹髓未嘗燒

寄合肥知己

離管回香轡行舟動翠篙
夕魂惟是黯春日旋成蒿
夢與楊花蕩書憑燕子高
望中人不見湖上首重搔

題蘭溪

招提紫翠中僧住最高峯幾劫親諸佛三生聽此鐘早

香依澗樹高臘寄庭松性海無窮願金書字字濃

師造大悲

像著發願文

景福殿緋桃

偷約蓬山客閒尋芳樹蹊晨葩鮮欲語春色醉成迷艷
奪朝霞段香傳冰麝臍飄然凡境外初有乳鶯啼

暑夕水亭

曲檻瞰回塘披襟對羽觴蘋風微有韻水月自成涼嫩

篠疎疎影新荷偃偃香么絃聊按撫志不在滄浪

新荷

一夜抽輕蓋平明映曲池水涼魚未覺烟淨鳥先窺露
重心猶卷風多柄尚危東林應結社祇待素華披

惜花

試步向欄干奇花正好看乾坤增著力風雨莫無端彩
筆題詩易金刀下剪難十分方吐半猶喜夜來寒

晴虹

霽野收雲雨長光架一條媧天初補石乾鵲早成橋日